

Олн кӧдлӧчнрт туста тӧр

Приозерн райсна „Сарпа“ совхозин 4-ч фермд сӧн библиотектӧ болн залта айта гидж клуб бӧанӧ. Эн клубин библиотекӧс фермин кӧдлӧчнр, хӧбчнр болн малчнр бийсдӧн туста дегтрмӧд авч умшцхана.

Библиотекин заведующ баахн кӧуукн Окопова Коку эн олн умшачнрт ямаран дегтр кергтӧгинь, эс медгдси тоотинь цӧйлгӧдж ӧгч, олн кӧдлӧчнрлӧ дегд ниитӧгӧяр кӧдлӧнӧ.

Болв эн клубт шатр, дӧбв, лото нань чигн наадн тату. Эн фермд зӧвӧр олн багъчуд бӧанӧ. Эдн дунд спортивн кӧдлмш тӧрӧц кегдхш. Багъчуд наадх биллиард чигн уга. Нег дакдж кино узӧллӧ, терӧнӧс нааран тавн сар болв. Эн тавн сарин эргцд кино авч ирдж узӧулгдӧд уга.

—Тана фермд библиотекин болн клубин заведующ бӧрх

штат манд уга. Тер учрар клубитн хаахар бӧанӧвдн, — гидж поссоветин ахлач ур П. Оконов кель.

—Ганцхн хӧлӧджӧсн клуб хаачкхла, бидн альдас дегтр авч умшхмб, — гидж багъчуд сурснд:

—Дегтр кергтӧ, кино хӧлӧх болхла совхозин центрт ирдж чаджанат, — гидж Оконов хӧрӧ ӧгнӧ.

Эн фермин кӧдлӧчнр кеер малд ӧбр-сӧ уга гилтӧ, зӧрм-снь долан арви хонгтан гертӧн ирлго кӧдлцхӧнӧ. Тегӧд эдн амрлг ӧдртӧн клубт ирдж узӧдврӧн гаргъцхана.

Тер учрар, эн клуб болн библиотекиг хаачкхла, дегтр авхин, кино хӧлӧхин тӧлӧ, 20—25 дуунад хӧбнӧ, малин хошмудар йовх улс кӧдлмшӧн хайчкад йовад йовшгогъинь кен чигн медх зӧвтӧ.

М. БОЛЫНОВ.